

# **Protocol da la radunanza generala dals 1. december 2016, a las 20.30 i'l Restorant Chasa Veglia**

## **Tractandas**

1. salüd dal president e s-chüsas
2. tscherna scrutinadurs
3. orientaziuns davart l'OJ Motta Naluns
4. prelecziun dal protocol da la radunanza generala 2015
5. rapport annual dal president
6. rapport da la chaschiera e dals revisurs da quint
7. rapports dal schef da cuorsa, schef da turas, delegià Traversada e Stafetta tras Sent
8. mutaziuns ed onurificaziuns
9. tschernas
10. fixar contribuziun annuala
11. program da l'on
12. chamonna Cuvel da l'Iva
13. varia

## **1. salüd dal president e s-chüsas**

A las 20.40 po il president Christian Poo salüdar a 30 commembers (inscrits illa glista da preschentscha). S-chüsats s'han il schef da cuorsa Jon Buchli, Chasper Buchli, Anna Barbla Buchli, Cla Rauch, Roland Franziscus, Monika Roner, Curdin Preuss, Dominique Benderer, Silvio Vital, Fluri Pinggera, Roland Staub, Sabina Kaufmann, Chasper Ruben, Gian Claudio Wieser, Heidi Laurent, Marco Laurent, Elisabeth Sarott e Rita Nuotclà.

L'invid es gnü tramiss tenor statuts, uschè cha la radunanza es abla da trar decisiuns. Il president propuona da tour la tractanda „orientaziuns davart l'OJ“ fingià al cumanzamaint da la radunanza e na sco previs güsta avant la tracanda „varia“. La radunanza es d'accord cun quist agir.

La radunanza s'adozza per ün minut da silenzi in memoria da Duri Salomon, Nical Stupan e Hanin Koch.

## **2. tscherna scrutinadurs**

Sco dombravuschs vegn eletta Aita Stupan.

## **3. orientaziuns davart l'OJ Motta Naluns**

Rico Stupan, il nouv coordinatur da l'OJ Motta Naluns, preschainta cuort las novas structuradas da lur organisaziun. El ha surtut als 20 mai 2016 la coordinaziun da l'OJ, chi'd es suottamiss al patrunadi dal Club Skiunzs Lischana Scuol. Pel prossem inviern s'han annunzchats 72 uffants. Ils 18 manaders, da quels 16 cun scolaziun, mainan las differentas partiziuns: gruppa Globi dals plü pitschens, la gruppa allround, la gruppa freestyle e la gruppa da cuorsa. Ils respunsabels da l'OJ han fuormà üna tscherta suprastanza. Els laivan evitar chi saja be üna persuna chi tira tuot las decisiuns e po tuot tenor survgnir massa blera pussanza. Sper sia persuna sun quai: Duri Pfister, Marlies Zimmermann, Katja Carpanetti, Johannes Erny, Curdin Preuss e Claudia Thom. Els vöglian promover plü ferm la collavuraziun culs clubs da skis, culla classa da sport e cullas scoulas da skis. Cun lur chascha vaja bain, uschè cha'ls clubs da skis nun han pel mumaint da sustgnair finanzialmaing a l'OJ. Ils manaders fan lavur volontaria, sainza indemnisaziun. Els survegnan unicamaing l'abunamaint da la Motta Naluns e'ls giantars

vegnan surtuts da l'OJ. Almain ün genituor da mincha uffant da l'OJ sto eir esser commember dad ün club da skis da la regiun.

Rico Stuppan po sclerir la dumonda da Andri Linsel a regard l'OJ da snowboard. Quel es independent e vain organisà da la scoula da l'Element.

#### **4. prelecziun dal protocol da la radunanza generala 2015**

Il protocol da la radunanza generala 2015 es gnü tramiss insembel cul invid. El vain approvà sainza cuntravuschs.

#### **5. rapport annual dal president**

Il president manzuna ch'el fetscha quist on il 10avel rapport da president. El infuormescha cha'ls 24 schner 2020 cumplischa il Club Skiunzs Sent il 100avel anniversari. El s'allegra da pudair metter in pè ün flot arrandschamaint. El ha plaschair chi'd ha adüna darcheu dat commembers da nos club chi han gnü success naziunal. In special manzuna el ad Arina Riatsch, Fabiana Wieser, Gian Fadri Linsel ed Andri Poo. La collavuraziun culs clubs vaschins da Scuol e Ftan es adüna fich buna. Id han gnü lö 2 cuorsas regiunalas cun buna partecipaziun. Displaschaivelmaing sun statta las relaziuns da naiv magari noschas l'on passà. Listess as haja pudü far differents arrandschamaints: la joslada oura Vastur, però be sainza schlitra in fuorma da spassegiada, la gita sü Niruns, las cuorsas dal club, il passlung da clergluna a Sur-En, üna gita da skis e lura sustgnair a duos occurrenzas regiunalas da ski alpin, al passlung Martina – Scuol ed a la Stafetta tras Sent. Grond plaschair ha'l gnü chi s'ha pudü cumanzar culla fabrica da la chamonna Cuvel da l'Iva. Plünavant sun gnüts revis l'on passà ils status, quai chi ha dat üna reducziun dal numer da suprastants da 6 sün 5.

El ingrazcha a tuot ils voluntaris chi'ns sustegnan adüna pro arrandschamaints. Ün ingrazchamaint va eir als sponsurs chi'ns sustegnan adüna darcheu cun premis o oters lavurs. Plünavant ingrazcha el eir a tschels commembers dal comité ed a Roland Franciscus sco tempader. Eir scha las previsiuns actualas nu prevezzan amo chi detta naiv, spera'l el chi detta a la fin darcheu ün inviern cun blera naiv e natüralmaing sainza accidaints.

#### **6. rapport da la chaschiera e dals revisurs da quint**

Quist on s'haja serrà giò il quint cun üna perdita da CHF 2148.75. Il chapital agen importa uossa CHF 21'554.35. Quista perdita nu fa però rumpatesta. Ella es d'attribuir a las lavurs da mantegnimaint da la chamonna Cuvel da l'Iva chi importan bundant CHF 3100. Sainza quist import füssa stat ün bun on cun ün guadogn. L'ustaria dal concert da la musica ha portà al club ün'entrada da circa CHF 700 e quella da la stafetta circa CHF 800.

Ün ingrazchamaint special va als sponsurs chi contribuischan minch'on vi da premis per las cuorsas: a Domenic Augustin, l'ustaria da Crusch, la Chamonna Naluns da Roger Taverna, la furnaria Claluna e la bacharia Zanetti.

Ils revisurs da quint Duri Valentin e Chasper Buchli han revis il quint. Quel vain fat bun cun dar dis-charg als organs respunsabels.

#### **7. rapports dal schef da cuorsa, schef da turas, delegià Traversada e Stafetta tras Sent**

Il president rapporta amo in nom dal schef da pista a regard las cuorsas dal club. Il passlung da not ha gnü lö a Scuol. I s'han partecipadas 19 personas al passlung, 23 al slalom e 25 al slalom gigantesc. 8 famiglias han fan part a la cumbinaziun. I füss flot schi's rivess da motivar amo a daplüs uffants da's participar a quistas cuorsas. La pista pellas prosimas cuorsas dal club es reservada. Plünavant ingrazcha el pel sustegn chi s'ha per organisar quistas cuorsas.

Il schef da turas, Andri Poo po comunicar chi s'haja pudü far üna bella tura d'ürant l'inviern passà. Ils partecipants sun stats sül Piz Minschun Pitschen e'l Piz Clünas e

davomezdi s'haja fat la Lavera. Quist'idea s'ha verificada e gnarà fatta eir l'on chi vain. Uschè daja la pussibilità a personas chi nun han material da turas da's participar eir be a la seguonda part. Per quist on ha'l darcheu previs da far duos gitas. Las datas provisoricas sun publicadas sül plan da l'on. In cas da spostaments gnissan quels publicats illa chaistina chi's rechatta uossa dadaint l'entrada dal Sport Champatsch.

Georg Buchli rapporta davart la Traversada. Cun quai cha'ls ons pèrs nun ha lö ningüna Traversada, tira'l attent a la data da las prosma Traversada, als 1. lügl 2017. El manzuna cha lur comitè saja amo adüna plü o main il listess sco avant 30 ons pro la prüma Traversada e cha davo la prosma Traversada, la 16avla, daraja forsia tschertas müdadas. Cun quai chi nu's tratta d'üna società nu daja là ningünas tschernas. Armon Nuotclà agiundscha amo alch infuormaziuns da la Traversada dal Vnuost chi ha gnü lö l'on scuors. 6 participants d'eiran da l'Engiadina Bassa. I füss flot scha ün o tschel as partecipess üna jada. Quista traversada es ün pa plü lunga co quella da territori da Sent.

Nataglia Caviezel rapporta davart la 33avla Stafetta tras Sent. Quella ha funcziunà fich bain, eir causa il sustegn da Tina e Christian cul team da l'ustaria. Fabiana Wieser ha organisà il „s-chodar aint“. La stafetta vendschadra ha dovrà 6:55 min. In tuot s'han partecipadas 14 squadras. La prosma stafetta varà lö in gün, la data vain fixada plü tard, i füss bun da provar da fixar darcheu üna jada ün venderdi. La partecipaziun es ida inavo ils ultims ons. Ella vess plaschair schi pigliessan darcheu part daplüs curridurs chi fan propcha per divertimaint quista stafetta. I nu's sto trenar d'ürant l'on per participar a la stafetta.

## **8. mutaziuns ed onurificaziuns**

Sco novs commembers vegnan bivgnantadas las seguaintas personas: Corinne Tschalär, Roland Staub, Sabine Kaufmann Staub, Christina Sedlacek, Jan Sedlacek, Monika Roner, Heidi Laurent e Marco Laurent.

Sortits sun: Birgit Rathmer, Daniela Vital e Severin Jann.

Chasper Ruben e Gian Claudio Wieser vegnan onurificats sco commembers veterans cun quai ch'els fan part 25 ons al club da skis da Sent. Ad els pertocca sinceras gratulaziuns.

## **9. tschernas**

Tenor statuts ston gnir elets d'ürant ils ons pèrs il president, la chaschiera, il schef da turas e'ls revisurs. Quels as mettan darcheu a disposiziun e vegnan reelets cun applaus

Uschè as cumpuona il comitè uossa seguaintamaing:

president:	Christian Poo
actuar:	Mario Rauch
chaschiera:	Martina Weiss
schef da cuorsa:	Jon Buchli
schef da turas:	Andri Poo

revisurs da quint: Duri Valentin e Chasper Buchli

## **10. fixar contribuziun annuala**

La contribuziun annuala vain fixada sün 25.- fr. per personas sainza commembranza da Swiss-Ski. Ils commembers cun commembranza da Swiss-Ski pagan 50.- fr.

## **11. program da l'on**

Il program da l'on es gnü protramiss e vain preschantà dal president.

## **12. chamonna Cuvel da l'Iva**

Il president manzuna chi s'haja tut per mans la renovaziun dal Cuvel da l'Iva sainza bannir üna radunanza extraordinaria. Ils cuosts chi s'ha gnü fin uossa surpassan las competenzas dal comité, perquai sto gnir fatta üna dumonda da credit davopro. Davart da la radunanza vaiva dat ils ultims ons adüna darcheu impuls da tour per mans quista fatschenda e davo cha l'on passà as vaiva lura pudü inscriver la chamonna i'l cudesch fundiari, ha il president tut per mans quista lavur. Ils commembers da la suprastanza, insembel cun tscherts confamigliars e cun sustegn da Plasch Caviezel han fat differentas lavurs. Da stà as voula lura cuntinuar cun quistas. Ils cuosts dal material e dal svoul da material s'amuntan a bundant CHF 3000. Il credit vain posteriuramaing acceptà cun applaus. Plünavant vain concess ün ulteriur credit da CHF 3000 pellas lavurs chi'd es da far amo dal 2017.

Cla Sarott quinta amo ün'episoda co chi s'haja portà sü la platta e'l chanun. El ha amo üna fotografia co chi'd es gnü minà il grip. Sün quella as vezza la crappa chi svoula. Dal 1996 vaivan Peder Buchli, Andri e Christian Poo fingià üna jada stabilisà la chamonna cun suas d'atschal.

## **13. varia**

Christian ed Andri Poo han tut part a la radunanza da l'Associazion da sport d'inviern RPN. Là sun els gnüts orientats dals müdamaints da trenaders. Nouv pella classa da sport lavura eir Corine Tschalär chi'd es preschainta a la radunanza e po uschè güsta dar ulteriuras infuormaziuns lasupra. Ella tira attent cha per far part da la classa da sport nu fetscha dabsögn dad ir a scoula al Institut Otalpin da Ftan. I sun bainvis eir scholars chi frequentan las scoulas cumünalas.

Tina Weiss surdà amo 4 buns als trenaders dals differentes OJs da nos club, a Dominique Benderer, Armon Nuotclà, Marlies Zimmermann e Curdin Preuss. Armon Nuotclà orientescha amo cuort davart l'OJ da passlung. Quel vain coordinà dad Anna Mathis da Scuol.

Jon Buchli vain amo onurifichà per esser 10 ons i'l comité dal club.

A las 22.05 serra il president la radunanza ed ingrazcha a la chaschiera pella marendina ch'ella ha preparà.

L'actuar

Mario Rauch